

BOSNA I HERCEGOVINA
FEDERACIJA BOSNE I HERCEGOVINE
SREBNJOBOSANSKI KANTON / KANTON SREDIŠNJA BOSNA
OPĆINA JAJCE
OPĆINSKI NAČELNIK

Broj: 02-30-11-3712-1/23
Datum: 02.06.2023. godine

Na osnovu člana 62. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj:35/05), člana 34. Zakona o radu ("Službene novine Federacije Bosne i Hercegovine", broj:26/16, 89/18 i 44/22) i člana 3. Odluke o angažmanu osoba za stručno osposobljavanje bez zasnivanja radnog odnosa („Službene novine Općine Jajce“ broj:3/22 i 5/22), Općinski načelnik objavljuje

JAVNI OGLAS
za prijem osoba sa VSS i VŠS za stručno osposobljavanje
u općinske organe uprave Općine Jajce

Predmet Javnog oglasa je prijem 24 (dvadesetčetiri) osobe s visokom stručnom spremom, odnosno visokim obrazovanjem prvog, drugog i trećeg ciklusa Bolonjskog sistema studiranja i višom stručnom spremom bez radnog iskustva.

Pravo prijave imaju sva lica koja poslije završenog VII stepena stručne spreme, odnosno visokog obrazovanja prvog, drugog ili trećeg ciklusa Bolonjskog sistema studiranja, kao i osobe poslije završenog VI stepena stručne spreme koja nisu obavili volonterski ili pripravnički staž i koja se nalaze na evidenciji nezaposlenih osoba Zavoda za zapošljavanje Jajce.

Prijem se vrši na određeno vrijeme u trajanju od 1 godine radi stručnog osposobljavanja za samostalan rad, bez zasnivanja radnog odnosa.

Kandidati moraju ispunjavati opće uvjete predviđene članom 25. Zakona o državnoj službi u Federaciji Bosne i Hercegovine ("Službene novine Federacije Bosne i Hercegovine", broj:29/03, 23/04, 39/04, 54/04, 67/05, 8/06 i 4/12) i to:

- da su državljani BiH,
- da su stariji od 18 godina,
- da su zdravstveno sposobni za obavljanje poslova na koje se prijavljuju,
- da se na njih ne odnosi član IX 1. Ustava Bosne i Hercegovine

Pored općih uvjeta kandidati moraju ispunjavati i jedan od slijedećih posebnih uvjeta:

- završen VII stepen stručne spreme, odnosno prvi, drugi ili treći ciklus Bolonjskog sistema studiranja
- završen VI stepen stručne spreme

Prijava se vrši popunjavanjem obrasca za prijem osoba za stručno usavršavanje. Uz prijavu se prilažu:

1. diploma o završenom VII stepenu stručne spreme, diploma o završenom prvom, drugom ili trećem ciklusu Bolonjskog sistema studiranja, odnosno diploma o završenom VI stepenu stručne spreme (nostrificirana diploma ukoliko fakultet nije završen u BiH)
2. uvjerenje da se kandidat nalazi na evidenciji Zavoda za zapošljavanje Jajce s naznakom od kada se vodi u evidenciji nezaposlenih lica, ne starije od tri mjeseca.

Dokumenti se prilažu u originalu ili ovjerenoj kopiji.

Ostale dokaze kojima se dokazuje ispunjavanje općih uvjeta Javnog oglasa izabrani kandidati su dužni dostaviti u roku od 7 dana od dana prijema obavještenja o rezultatima Javnog oglasa.

Općinski načelnik će na prijedlog komisije izvršiti odabir kandidata. O izvršenom izboru svi kandidati će bit obaviješteni putem oglasne ploče i web stranice Općine Jajce.

Prijavu na Javni oglas sa traženim dokumentima dostaviti u roku od 15 dana od dana objave Javnog oglasa na oglasnoj ploči Općine Jajce, na adresu:

Općina Jajce, ulica Nikole Šopa bb, sa naznakom: "Prijava na Javni oglas za prijem osoba za stručno usavršavanje bez zasnivanja radnog odnosa u općinske organe uprave općine Jajce" – ne otvaraj.

Nepotpune prijave neće se uzimati u razmatranje, a u slučaju da se na javni oglas ne javi dovoljan broj kandidata, općinski načelnik će zaključiti Ugovore o stručnom osposobljavanju sa osobama koje ispune uvjete oglasa do 31.08.2023. godine i dostave prijavu na gore navedenu adresu.



Općinski načelnik:

Edin Hozan